



SAKSPAPIR

Saksnr	Utval	Type	Dato
07/2018	Levekårsutvalet	PS	05.03.2018

Sakshandsamar	Arkiv	ArkivsakID
Solrun Hauglum	FA - F03	18/226

FOLKEHELSEPROFIL VAKSDAL 2018

Vedlegg:

Folkehelseprofil Vaksdal 2018

Rådmannen sitt framlegg til vedtak:

Saka vert teken til orientering.

Levekårsutvalet - Sak 07/2018

LEV - Behandling:

Kommunalsjef helse og omsorg orienterte.

Levekårsutvalet ba om ei orientering om antall lærling- og praksisplassar i heile Vaksdal kommune til neste møte.

Samrøystes vedtak.

LEV - Vedtak:

Saka vert teken til orientering.

Saksopplysningar:

Folkehelse er eit kommunalt ansvar, og med Folkehelselova vart ansvaret løfta vekk frå helsetenesta i kommunen og over til kommunen generelt. Det skal i følge lova vera «folkehelse i alle sektorer – helse i alt vi gjør». Det vert også understreka kor viktig det er å leggja til rette for samarbeid med frivillig sektor.

Kommunen skal ha skriftleg oversikt over helsetilstand og påverkingfaktorar, og folkehelseprofilar for kommunar og fylkeskommunar vert utarbeida årleg av Folkehelseinstituttet. Folkehelseprofilen gir ikkje eit godt nok bilete av helsa, men viser enkelte trekk ved folkehelsa i kommunen.

I eit barometer med 34 indikatorar vert det markert korleis kommunen ligg an samanlikna med landsnivået. Raude verdiar markerar at kommunen ligg signifikant dårlegare an enn landssnittet, og

grøne verdiar visar at me ligg signifikant betre an.

Gjennom fleire år har Vaksdal hatt desse raude indikatorane: tal personar med vidaregåande skule eller høgskule i aldersgruppa 30 – 39 år, drikkevassforsyning, skader behandla i sjukehus, overvekt/fedme ved sesjon 17 år og muskel og skjelettlidingar.

Me har lege betre an enn landssnittet på følgjande indikatorar: høg valdeltaking, mange i 10. klasse trivst på skulen, har ikkje hatt stort fråfall frå vidaregåande.

I 2018 har Vaksdal følgjande område der me ligg betre an enn landssnittet: barn av einslege forsørgjarar, trivsel på skulen i 10. klasse og psykiske symptom/lidingar i primærhelsetenesta (15 – 29 år).

Område der me er raude, d.v.s. ligg signifikant dårlegare an enn landssnittet: barn i hushaldningar med låginntekt, drikkevassforsyning, skader behandla i sjukehus, overvekt/fedme 17 år og muskel- og skjelettlidingar behandla i primærhelsetenesta. Det er første gongen at me får raud verdi på barn som bur i hushaldningar med låg inntekt.

Folkehelseprofilen for 2018 er vedlagt.